

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA

Broj: T04 0 KT 0060917 24
Zenica, 14.11.2025. godine

OPĆINSKOM SUDU U VISOKOM
- Sudiji za prethodno saslušanje -

Na osnovu člana 45. stav 2. tačka h) u vezi sa članom 350., člana 241. stav 1. Zakona o krivičnom postupku Federacije Bosne i Hercegovine (ZKP F BiH),
p o d i ž e m

OPTUŽNICU

Protiv:

E. M., neosuđivan,

da je:

dana 12.10.2024. godine oko 14,55 sati, na području V., u mjestu B., suprotno odredbama člana 4. stav 1., 2., 3., i 4. i člana 19. i 20. Zakona o sprečavanju i suzbijanju zloupotrebe opojnih droga („Službeni glasnik BiH“ broj 8/06), iako je bio svjestan da je posjedovanje opojne droge zakonom zabranjeno, to je i htio, pa je neovlašteno posjedovao jedan (1) pvc paketić sa sadržajem bijelo – žute praškaste materije neto mase 0,381 grama, koja sadrži psihotropnu komponentu amfetamin, koja asocira na opojnu drogu „speed“, a koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koju opojnu drogu je dobrovoljno predao ovlaštenim službenim licima ..., za što mu je izdata Potvrda o privremenom oduzimanju predmeta ... od 12.10.2024. godine,

dakle, neovlašteno posjedovao opojnu drogu,

čime bi počinio krivično djelo „Posjedovanje i omogućavanje uživanja opojnih droga“ iz člana 239. stav 3. Krivičnog zakona Federacije Bosne i Hercegovine (KZ F BiH).